



40699

Mog. St. Dr.

P

*Drużbicki Gasp.: Tracta-
tus de prima probati-
one Societatis Jesu.*

*Catholici Typis Soc. Jesu.
1759.*

zecnu memal
 naturę Ludz-
 wielce dla zba-
 iż się miał y o
 więc te wżyt-
 nnego prawa
 n y konwer-
 je wiary y zba-
 rbi; Sp. 3 sum.
 O4 15

Febr. 1663.

Compendium Quęsty.

326

Żołnierzow ktorzy ná CHRYSYSTUSA wy-
 prawieni, byto sto y ośmnaście, á donich
 się pośpółstwa przylączyło dwiescie y trzy-
 dziesć. Sínvch rázow odniósł tysiąc sto

Teologiczno Morálnych,

323

44. 5c. Co sámó Rythm Łacínski opísce,

i. Isráéli prädicare

Decens per se; post mandare

Gentibus Apostolos.

TRACTATUS

De prima Probatione
SOCIETATIS JESU.
CONTINENS

Instructionem utilem iis, qui
Religionem hanc comple-
xi, jam ad ejus Tyrocini-
um admittuntur.

à R. P. Gaspare Druzicki Socie: JESU
POLONO THEOLOGO
CONSCRIPTUS

Opus posthumum

Cum facultate Superiorum

EDITUS.

CALISSTI.
Typis S. R. M. Coll: SOCIETATIS JESU.
Annò Domini 1759.

zecnu memal
nature Ludz-

ERACATUS
CONTINENS
CONSCRIPTUS
EDITUS

406997

1812
JANUARI 1812



CAPUT I.

*Quænam sit causa, & norma
Scriptiõis præsentis?*

Scripturus instructionem iis, qui in prima Probatione Societatis JESU versantur, causam priùs & formam scriptiõis breviter Lectori explicabo. Nec aliunde utramque, quàm ex iis, quibus hæc scribo, desumam. Itaq; ideo hunc Tractatum conficiendum putavi, quia Tyrones eò videbantur opus habere, non alia ulla de causa, nisi quia Tyrones sunt, & quidem in ipso Tyrocinio Tyrones; quos proinde manu ad omnem Religiosæ vitæ inchoationem ducere necessum est. Rursum verò formam scriptiõis eam delegi, quæ Tyronum ingeniis, capacitatibusque serviret, nec eam vel amplitudine su-

peraret, vel jejunitate non expleret. Equidem nisi fallor, primæ probationis Alumnis hæc, quæ hîc dicentur, percepisse, atq; explevisse satis & abunde prorsus satis erit, ad hoc, ut cû Divinæ Majestatis gloria, animarum propriarum fructuosa consolatione, ipsius demum Religionis solida ædificatione prima Tyrocinii sui rudimenta, in ipsis Religiosæ disciplinæ liminibus deposuisse, meritò censi posse videantur.

C A P U T II.

Quàm multiplex sit probatio in Societate, & quæ illius causa.

IN Societate JESU triplex est probatio, quam necessario percurrere debent ii, qui juxta Leges Societatis hujus vivere, & in ea Christo Domino nostro servire ad majorem ipsius gloriam cupiunt. Una est probatio 1ma, altera 2da, ultima tertiæ nomine vulgò ab hac Religione vocitari solita. Cû enim Religionis hujus sublimè valdè, arduumq; institutum sit, utpote quod non tantùm animæ propriæ salutem perfectionemq; sed Proximorum quoq; omnium, tam salutem, quàm etiam perfectionem procurandam profiteatur, inde efficitur, ut viris valdè solidis atq; probatis in vita & mo-

moribus, in virtute, atq; doctrina egregiè fundatis opus habeat, cujusmodi cum & rari sint, & difficilè haberi possint, necesse fuit, ut eos Religio ipsa sibi formaret, atq; inter formandum diu multùm varieq; probaret & exerceret. Eapropter ista Religio & eos, qui admitti petunt ad Religionem, diu multùmq; per homines gnaros benè instituti sui examinat, talenta, aptitudinèq; & indolem omnem, quàm peritissimè explorat, & sic examinatos exploratosq; ubi idoneos, dignosq; Societate de communi plurium consilio consensuq; judicaverit, pluribus postmodum probationibus, jam in medium, convictumq; suum admissos partim instruit, partim dispicit, ecquid tandem spei ad olim suscipiendos in Religione labores de illis habere meritò possit. Itaq; præter accuratum examen, quod admissioni ad Tyrocinium præmittitur, adhibetur deinde Tyrocinium, primò quidem duplex, quod primam & 2dam probationem vocat Societas, deinde etiam tertium, quod suo tēpore [eò nimirū, quò Religioni visum fuerit] subeundum, expediendumq; supererit. De secundo atq; de tertio Tyrocinio seu probatione, nihil interim hóc loco tractamus, solùm primam, in eorum gratiam, utumq;, qui eam decurrunt, in præsentii prosequimur. A3 CA-

❁❁❁ 4 ❁❁❁
CAPUT III.

*Quid sit prima Probatio, & cur
hoc nomen sortita?*

IN omni bene constituta Religione est probationi certum præfixum tempus, idque duplici de causa. Altera est ex parte Religionis, quæ aliquem novum de hoc maligno mundo evadere conantem hominem gremiò suo excipit. Altera ex parte hominis ipsius, qui Religionis gremiò excipi cupit. Ex parte Religionis est illa causa, ut per probationis tempus, hominem probare, & cognoscere tantò melius, certiusq; possit, quantò propius illum habet, & inspicit, sicq; ineptos à se arcere, aptos per se deligere valeat. Ex parte ipsius hominis, seu Tyronis illa causa est, ut etiam ipse per tempus probationis Religionem, quam ingreditur, ejusq; munera ac onera suis ipse, ut ajunt, humeris explorare, expeririq; possit, ut si fortè displiceant, vel majora suis viribùs videantur, maturè & sine nota deserì, sin verò apta humeris suis appareant, tantò majore cum fiducia & solatio suscipi possint. Cùm enim Religionem ab aliquo iniri, non tantùm Religioso ineunti, sed etiam ipsi Religioni utile sit, & præ-

& prætereà cùm nec omnis Religio cuilibet homini, nec quilibet homo cuilibet Religioni expediat, aptusq; sit, meritò per probationis tempus utriq; prospici debuit, ut nec illa suscipere ineptum per se hominem cogeretur, nec ille incongruam sibi Religionem profiteri necesse haberet. Societas JESU huic tam suæ, quàm hominum ad se venientium, indemnitati, securitati, consolationiq; prospectum volens, præter examen, ut dixi, quod admissioni & ad probationem præmittitur, (in quo & vires animusq; in admittendo explorantur, & onera, qualitatesq; Religionis eidem, qui admitti petit, proponuntur] primam, secundamq; probationem, sed primam præcipuè peculiari quadam ratione sibi delegit, in qua tam sibi, quàm Tyroni suo spatium dat, commoditatemq; mutuè explorandi cognoscendique, mutuè de sui acceptatione deliberandi tantisper, antequàm vel illa Tyronem sæculò devestitum accipiat, vel ille planè mundum, sæcularemq; hominem exutus, in medium religiosæ vitæ, disciplinæq; commercium prodeat. Ea propter ii, qui hanc primam probationem decurrunt, & sæculari suo vestitu utuntur, in domo licèt Religiosa, & à communi aliorum convictu, conversatione, allocutioneq; ar-

centur, & ad munia Domûs necdum ad mittuntur, & nihilominus ordinem Domûs, horasq; & occupationes præscriptas servare, atq; obire, quod possunt, debent, & sub obedientia Superioris vivunt, neq; eò inconsultò non tantum extra Domum pedem efferre, sed neq; intra Domum quolibet pedem inferre possunt, ut eos jam & Tyrones ex parte, & ex parte nondum Tyrones possit agnoscere. Atq; hæc est causa, ob quam hæc Tyrocinii pars primæ probationis nomen sortita sit, quia nimirum sub illud tempus quasi rudi minerva, Tyro probat Religionem, & à Religione probatur, nam & ille multa, quæ domi fiunt, penitiora ignorat, & in ipso pleraq; Religio aut nescit, aut dissimulat. Et rursum ille inter domesticos ita computatur, ut illi etiam ipsa hora, quâ ad primam probationem venit, ad totum Tyrocinii tempus computerut, & nihilominus adhuc illum Religio communi suo convictu non dignatur.

C A P U T. IV.

Quid complectatur, quidvè requirat prima Probatio.

His, quæ proximo capite dicta sunt, inhæren-

rendo Societas, Tyroni suo primam probationem decurrenti, eas injungit occupationes, quæ & illum de instituto ordinis hujus abunde instruere, & Religionē ipsam de ejus ad institutum animo, viribusq; edocere, & illum ad reliqua potiora Tyrocinii munera obeunda disponere, & Religionem ad fores ipsi patefaciendas animare possint. Hujusmodi sunt hæc, quæ sequuntur: 1. Lectio examinis, quod omnibus ad Societatem aspirantibus ipso statim penè in limine proponitur. 2. Lectio Regularum. 3. Lectio Constitutionum Apostolicarum, quibûs sedes Apostolica Societatem hanc confirmat, Sanctamq; & cutam in suo Instituto esse declarat. 4. Exhibitio speciminis alicujus, de sua, si quā habet doctrina atq; facultate. 5. Animi interna per exercitationes S. Patris nostri, cultura, atq; ad futurā per generalem Confessionem Conscientiæ expurgationem præparatio. 6. Generalis vitæ totius Confessio. 7. Manifestatio conscientiæ propriæ 8. Habitûs sæcularis in religiosum commutatio. 9. Sacra communio. 10. Tandem ad aliorum convictum adductio, & admissio. Hiscè fere occupationibus Societatis Religio Tyrones suos in prima probatione distinet, tum propter illas jam supra recensitas cau-

sas, tum propter otium in novo vitæ gene-
 re fallendum, aliaq; vitia, quæ Tyronibus
 jã tunc obrepere, & ob quæ Religioni proba-
 ri, minùs possent, devitanda. Neq; enim i-
 ghorare Tyrones hujusmodi debent, Reli-
 gionem istam ab ipso statim primæ etiam
 probationis exordio expectare ne dicam e-
 xigere ab ipsis, non omnino quidem religi-
 olas virtutes, quas tunc primùm ut doce-
 antur, veniunt; sed tamen quasnam talium
 virtutum vel similitudines, vel inchoatio-
 nes. Quales sunt: quietos & modestos mo-
 res præferre, silentium, & submissam vo-
 cem colere; revereri & honorare omnes
 domesticos, decentiam, munditiam, & ve-
 recundiam in incessu, vestitu, aspectu, ge-
 stu, in omni loco; amorem devotionis, &
 orationis, crebriorumq; cum Deo congres-
 suum, solitudinis, reclusionis, & lectionis
 studium, mentis hilaritatem & vultûs, tra-
 ctabilitatem & confidentiam cum his, qui
 de animæ ipsius rebus cum ipso tractant.
 Oblivionem sæculi & mundanarum vani-
 tatum, applicationem ad Spiritualia & Divi-
 na studia, has ferè virtutes, aut saltim spẽ
 earum, etiam primæ probationis Tyro pro-
 mittere Religioni deberet, illa verò vitia
 fugere illum conveniret, quæ religiosam
 Domum, ac multò magis Religionem ipsam,
 reli-

religiosumq; hominem dedecent, cujusmodi sunt: Curiositas, & libertas quidlibet videndi, audiendi, ingrediendi, dicendi, indagandi, garrulitas, & levitas in sermone atq; moribus, vagatio, inquietudo, tædium, animi tristitia, inverecundia, & incompositio externorum morum, aulicismi & scurrilitates, aliaque ejusmodi, quæ animum sæculo immersum potius, quam emergere cupientem redolent. Hæc ideo recensue-ram, Tyronibusq; commendaveram, ut ab iplo statim in Tyrocinium ingressu incipiant condiscere, quo Spiritu Religiosum Institutum amplecti, & qualem in religiosa Domo pedem ponere eos conveniat.

C A P U T. V.

*Cur examē generale proponatur
legendū in prima Probatione?*

EX omnibus, quas Tyro Societatis in
ima probatione peragit actiones,
prima & dixerim præcipua est: lectio
& consideratio examinis generalis, quod à
S. Patre nostro in hunc præcipuè finē con-
scriptum est, ut omnibus Societatem hanc
olim amplecti volentibus proponeretur
eo consiliō, ut ex ejus lectione discere pos-
sit Tyro totum Societatis Institutum, finē
ejus

ejus & scopum, partes, ac membra, structuram, substantiam, differentiam ab aliis Ordinibus sacris, impedimenta, quæ arceant ab hoc instituto; experimenta, quibûs probari velit admittendos & idoneos; magnitudinem & majestatem, excellentiamq; instituti. Hæc qui in examine generali perlecto assecutus est, nã ille & Religioni & sibi abundè satisfecit, multo etiam abundiùs ille, qui talenta naturæ & gratiæ, & animum, viresq; instituto pares attulit. Huic, quam dixi, causæ affinis & annexa est alia legendi hujusce examinis ratio: ut nempe Tyro lecto examine tantò rectiùs & plenius se se resolvere, majoriq; cum sua consolatione Vocationi ad Religionem manus dare, & deinceps diabolo vocationis veritatem labefactare molienti, solidiùs resistere, & deniq; Superiori, vel cuicunq; examinatori, majori cum libertate, sinceritateq; ad interrogata, quæ ab eo circa examinis capita poscentur, respondere possit.

C A P U T. VI.

De Regularum & Bullarum Apostolicarum lectione.

Post examen Tyroni in ima. probatione dari mos est Regulas & constitutiones

nes Apostolicas. Regulas quidem, ut Tyro jam statim ab initio adversat tecum Religionem clarè procedere, fidenter se, suaq; illi concedere, atq; discutienda præbere: sintnè suo palatui, & robori paria, necnè: ut & ille hac Religionis sinceritate motus, atq; doctus se vicissim Religioni sincerè concedat, atque plenè committat. Deinde Regulæ ideò exhibentur legendæ: ut Tyro statim possit apud se statuere: an velit, possitq; deinceps ita vitā ducere, prout in regulis præscriptum videt: & ut in decursu Religiosæ vitæ non velit vivere juxta exempla, quæ forte videbit minùs inter aliquos perfectæ, sed ut sciat se teneri vivere juxta Regulas. Ideò illi non dantur legendæ vitæ eorum, cum quibus victurus est, sed tantùm Regulæ, juxta quas tam ille, quàm omnes alii vivere debeant. Huc accedit, id propterea fieri, ut Tyro discat, quibûsnam legibûs sibi deinceps vivendum est, elegantq; dum liber est sic vivere, vel aliter de sua vita statuere: ne sortè ingressus Religionem non visis Regulis, postmodum earum vim experimento priùs, quàm speculatione, considerationeque edoctus, incipiat retrò respicere, & causari se deceptum esse, non scivisse, quid eligeret; regulas non vidisse, sicq; in vocatione fluctuct. magno Religionis qui-

quidem damno, suo autem majore periculo.

Jam verò Bullas Sedis Apostolicæ, ideò à Tyronibus legi vult Societas JESU, imò ut ex iis discant clariùs, meliusq; institutum, quod ibi compendio & clarè traditur. 2dò. ut approbatum à Sancta Sede agnoscant, securi illud ineant, atq; perseverent. 3tò. ut privilegia Religionis discant. 4to. ut cognoscant per vota simplicia in Societate post biennium Probationis emitti solita, veros Religiosos fieri. 5dò. ut etiam cognoscant sibi post vota emissà non licere propria autoritate sub pœna Apostatiæ à Societate recedere, quæ omnia sunt scitu Tyronibus pernecessaria.

C A P U T VII.

Cur specimen Doctrinæ, profectusq; sui in literis det Tyro Societatis?

DUm Bullas & Regulas legit Tyro Societatis in prima Probarione, antequàm se ad cultum animi, & ad lectionem, ultimamq; cum mundo valedictionem disponere incipiat, solet specimen aliquod doctrinæ, ingenii, aliorumq; talentorum præsertim concionandi præbere.

Id non ab omnibus fit, sed ab iis solùm: qui literis, scientiisq; dederunt operam. Atque hoc eo consiliò præcipuè, ut Religioni hac via innotescat Tyronis profectus in scientiis, consequenterq; aptitudo aut saltem spes aptitudinis ad ministeria Societatis, circa animarum salutem & profectum. Qualia sunt concionari seu prædicare populis verbum Dei, excipere confessiones, dare consilia in rebus, & dubiis conscientiæ, docere fidem rudes pueros, hæreticos, & quoslibet ignaros. Quæ omnia indigent homine instructo præsidis doctrinæ non levibûs, ut alia præteream requisita.

C A P U T VIII.

Cur in prima Probatione exercitiis Spiritualibus vacetur?

EXpeditis suprà dictis occupationibûs Tyro totum se convertere debet ad cultum animæ suæ, DEO per ingressum Religionis conjungendæ, atq; ad exactiorem probationem, quæ est 2da, percolendæ; ad eam rem Societas præbet Tyroni medium unum ex suis principale, nempe Spiritualium exercitationum usum, ex quibus saltem primam hebdomadam percurrit mul.

multis de causis atq; in his prima est, quā
attigi, ut nempe illis excultus & perpurga-
tus tantò dignius Divinæ conjungi possit
puritati. 2da: ut ad confessionem genera-
lem, quam eodem tempore apparare debet,
& peragere, tantò diligentius, digniusq; se
præparet, quantò perspicacius statum ani-
mæ suæ per peccata sæcularia lauciata co-
gnoscat, detestabitur, deslebit. 3. ut quo-
niam deinceps meditatione usus est per
totam vitam sequentem, tunc jam saltem
aliquam rudem praxim meditandi contra-
hat, formamq; discat. 4. ut in exercitiis
miserum animæ suæ statum præteritum e-
doctus, atq; quantis circumdatus fuerit in
æternum pereundi in mundo periculis;
tantò alacrius ad vexilla crucis & ad jugum
Religionis convolet, constantiorq; in eo
tolerando perseveret. 5. ut in exercitiis,
veritates illas, quæ inibi latent, easdem ite-
rum imbibat, quas in Examine Generali &
in Regulis legerat, atq; i a ad I. stitutum
Societatis ex animo complectendum robo-
retur: conformitatem dictaminum in evan-
gelica, & antiqua, & naturali, & Religiosa
lege atq; perfectionem agnoscens.

CAPUT 9nūm.

Cur generalis toti9 vitæ Confessio in ima Probatione fiat.

INstante probationis primæ fine confessionem generalem facit Tyro: mitto alias hîc causas ejus rei, petitas ex utilitate hujusmodi Confessionis, quæ etiam locum hîc habent: illam attingo primū, quia cū Religio status sit pœnitentiæ, quem idè homines idcirco: plerumq; ineunt, ut in illo injurias tota sæculari vita toties divinæ Bonitati & Dignitati illatas, cū quoad possunt restituant, & antè malè acta retractent, seseq; Deo cui subduxerant integrè æternaliterq; restituant; convenit, ut totius vitæ suæ crimina in unum coacta ob oculosq; suos exposita, simul amaro animo & corde contrito desceant, detestentur, doleant firmiterq; actutius in Dei famulatu permanent. Deinde hîc illud addo: quoniam Religionis ingressus Baptismus quidam est: in quo omnia delentur antea acta crimina, decet sanè, ut qui omnium veniam est consecuturus, omnia etiam detestetur, atq; desceat, confiteaturq; Ad hæc cū Societas desideret homines tales suos esse, quos non dedeceat esse socios & de Societate JESU,

vult sibi constare de eorum perfecta cum Deo reconciliatone atq; amicitia, quæ quidem constare melius illi non potest ordinariè, quàm si videat quemlibet suorum generali confessione universas inimicitias suas cum DEO delevisse. Insuper, cum ingrediendo Religionem novæ & quasi alterius diversæ à prima genus vitæ exordiatur is, qui illam ingreditur, sanè convenit, ut antiquam vitam penitus in se quo ad potest, exstingvat & omnia illius residua in se deleat, ita ut nihil in eo antiqui hominis, & antiquæ suæ conversationis remaneat; quod nullatenus melius, fundamentaliusq; perficitur, quàm generali Confessione. Eam ob causam decet Tyrones talem confessionem meditantes atq; apparantes non perfunctoriè rem, non dimidiatas confessiones, & ab ultima tantum reperitas (nisi fortè superiori faciendum videatur, vel ei, cujus intererit hoc scire) sed omninò totius vitæ facere. Decet etiam diu accuratè diligenter conscientiam examinare, excutere, & nullis scrupulis occasionem locumq; relinquere; sincerè cum se ipso, cum Deo, cum confessorio agere, satisfacere sibi velle abundè, ut quàm optima mente atq; fiducia sit post confessionem, quòd nihil omiserit, omittere ve voluerit, quid quid ad plenam
con-

confessionem facere potuit. Decet etiam, accuratissimo & acutissimo dolore compungi, detestari, & proponere emendationem, ex puro solius Dei amore, & ejus Dignitatis æstimatione atq; appretiatione ita, ut homo, à Cōfessione surgat alius homo, tunc renatus Deo, & jam perditus mundo, & illi sibi, qui in mundo fuerat, plenus fiduciæ de venia, plenus propositi firmi de nova vita ad mortem continuanda, plenus odii in peccata, & in se qui peccavit, plenus desiderii vindicandi in se injurias dignissimi DEI. Hæc inquam omnia Tyronem habere decet; & reverà facile est in illo primigeniæ gratiæ fervore quæ, est gratia vocationis, cujus robur & pondus quantum sit ad animæ immutationem dici fere non potest, modò ablit desidia & incuria, adsit autem in promptu cooperatio debita. Certè enim immane opus fuit robur gratiæ istius, quæ hominem radicatum & illigatum catenis innumeris plusquam adamantinis in mundo eripuit ex mundo & constituit in Religione, ergo si huic gratiæ cooperari pergat Tyro, nulla illum difficultas morari poterit, quin eam telæ aranearum instar, rumpere possit.

(6)(*)H 18 (*)(9)

C A P U T IO.

Cur Conscientiæ ratio fiat in una Probatione.

HÆc actio in confessione generali, vel separatim ab illa fit in Tyrocinio; cuius rei hæc unica causa nunc sufficiat; ut nempe Tyro in vita Spirituali deinceps dirigi, & formari à pueritia & teneritudine Spiritus ad perfectum usque virum possit, quod non poterit, nisi fuerit notus animæ suæ Patri; notus non erit, nisi se ipse illi aperuerit, suasque necessitates, pericula, tentationes, consuetudines eidem explicuerit, præter peccata in confessione exposita. Unde fit, ut nemo ignotus suo Spirituali Patri, præsertim Tyro proficere in via DEI possit, quia qui se sibi Magistrum constituit, stulto se discipulum subdit, magister vero stultus, non faciet discipulum proficere in Sapientia sibi ipsi ignota. Sed hæc sint hac de re satis.

C A P U T II.

Cur lectione Spirituali distinentur in prima Probatione Tyrones?

Totum reliquum tempus, quod à prædictis superest Occupationibus, Tyrones lectioni Spirituali impendere debent,
eorum

eorum præsertim librorum, qui illis amor-
rem Instituti & Religionis, odium verò sæ-
culi in animo conciliare possunt, quæ qui-
dem est una hujus lectionis sub hoc tempus
causa. Altera verò est: ut lectione Spiritu-
ali primitias Spiritûs sui teneras, lentè sva-
viterq; corroborarent. Ad hæc, ut memoriam
sæcularibus et ineptis vanitatibus plenam
atq; obductam, lectione Spiritualis perpur-
gare, atq; veluti melioribus coloribus tur-
piores abolere, consvescant. Accedit: quod
cum illi Tyrones sunt, & Spiritualium re-
rum, divinæq; voluntatis planè rudes, DE-
US autem in Lectione loqui nobiscum so-
leat; oportet Tyrones lectioni istæ insve-
scere, addictosq; esse: ut ex ea tanquam ex
fonte voluntatis Divinæ, notitiam ad se se
derivare condiscant. Deniq; Religiosis &
piis hominibus est etiam hæc ratio fallendi
sancti temporis, si pios libellos evolvant,
cædiumq; allevant; quo Tyrones laborare
opus est sine dubio, si se occupare, prout
par est, noluerint.

C A P U T XII.

*Quibus affectibus abundare, & quomodo præ-
parari oporteat Tyronem instante tempore per-
fecti & ultimi sui à sæculo ad religiosum sta-
tum, habitum, convictumq; discessus?*

Perfectis omnibus supradictis, & tempore adveniente, quo ex prima probatione ad secundam commigrandum est Tyroni, ad aliorumq; convictum, deposito tandem sæculari vestitu & Religioso assumpto descendendum est, afferuntur Tyroni Religiosæ vestes, quas indutus ad communionem sanctissimam accedit, ac deinceps ad convictum communem educitur. Hæc dum fiunt, non abs re est: Tyronibus ostendere aliquas spirituales exercitationes, quibus interea temporis magno cum animæ suæ fructu, solatioq; occupari possint. Quamvis enim plerosq; Spiritûs Sancti unctio & gratia in tali pascu multa & admirabilia edoceat, plerisq; tamen id non contingit ob eorum hebetudinem, vel etiam indispositionem, quare talibus materiam saltem piissimarum affectionum tali tempore servientium suppeditare, operæ pretium erit. Et quidem affectuum istorum leges ex duplici capite poterunt desumi. Unum caput sunt circumstantiæ, & conditiones actûs instantis, qui est migrare de statu in statum, de mundo in Religionem, de servitute diaboli, in Societatem JESU.

Hujus actûs circumstantiæ plurimæ sunt; v. g. 1. Peccata præterita & vitia atq; consuetudines malæ, quas execrari par est, proponere,

ponere, vitare, defflere. 2. Mundus & vita mundana. 3. Caro, est sensus, & voluptas. 4. Personæ omnes, quæ jam deferuntur. 5. Studia, occupationes, officia, curæ. 6. DEUS, Christus, Religio, Sancti Religionis, Beatissima Virgo. 7. Status & ratio vivendi futura, ejusq; rationes & conditiones. Ex his similibusq; infiniti pœne affectus erui poterunt modò infra dicendò. Alterum caput affectuum esse potest: multiplicitas considerationum, quæ fieri possunt ad præsens negotium accommodatæ, de quibus etiam infra dicetur. Nunc addo tantum: sub illud tempus, quantumq; fuerit, nulli alteri negotio vacandum esse, nisi talibus affectibus, desideriisq; quæ etiam quàm ignitissima esse oportebit. Maneat tunc Tyro solus inclusus, in solum Deum conversus, de se solo, deq; futura in se ipso à se ipso mutatione cogitabundus, vix enim fieri poterit, ut in tali passu: (modo aliquid sensus habeat) non abundet copiâ & promptitudine dulcissimorum affectuum: quod si non abundet spontè, abundabit certè non difficulter, si sequentes affectus, corde, magis, quàm ore depromperit.

B4

CAPUT

(26)(*) (22) (*) (10)
CAPUT. 13.

*Catalogus & praxis affectuum, aspirationumq;
quas Tyrones ex prima probatione e-
gressuri possunt exercere.*

1mus Affectus sit execratio peccatorum.

O Peccata! infelices culpæ! o scelera im-
mania & innumera! latis, superq; latis
ah! diu placuistis! latis inter me &
DEUM meum divistis, execror vos, abomi-
nor vos, perite vos, nè peream ego.

O mi DEUS! cur tamdiu peccavi? cur
tamdiu, tamdiu peccator fui? Testis mihi
DEUS meus, qui & auctor es odii mei in
omnia peccata mea præterita, quibus iram
tuam merui & nihilominus gratiam tuam
experior indignus & ingratus.

2dus Propositum non peccandi ampliùs.

NOlo ampliùs, nolo mi DEUS ampliùs
peccare in Te, offendere Te, irritare
Te; Nolo redire velut Canis ad vomitum,
velut sus lota ad lutum. Juravi & statui cu-
stodire judicia Justitiæ tuæ.

3tius Valedicendi.

PEccatis Valetate peccata, valetate vitia, vale-
te consuetudines meæ omnes, omnes pes-
simæ, omnes tyranni mei dulces, sed ama-
ræ Deo, & ingratae, nunquam redeam, nun-
quam redibo ad vos.

•Mundo:

Mundo: Munde non munde immunde, vane, fallax, miser, vale. Satis placuisti, satis decepisti. Mundus ego à te, per quem fui toties & tam diu immundus. O! stulta sapientia mundi nimis multum credidi & servivi tibi, ridendus ego tecum & propter te. Nihil mecum commune tibi, sapit sapientia æterna, viva, pacifica, pretiosa, savvis.

Carnis: Vale Caro, valete carnis immites servitutes. Nimis carò servivi tibi caro infelix. Corrupti animam propter te, pro te, nec tamen servavi te. Hactenus amici fuimus amicitia inimica, volo deinceps amicas inimicitias tecum exercere.

Sensibus: Quid mihi & vobis prodromi mortis, portus inferni, januæ diaboli, officinæ peccatorum, sensus mei, prædones & proditores, nihil svave amicum sperate à me, hostis sum, & esse volo omnibus vobis æternum.

Amori proprio: O amor amoris! o amor mei ipsius, amor honoris & reputationis! satis servitum, satis indultum tibi. Ex nunc Creatori meo serviam, nihil mihi & tibi, nisi nihil & malum & pœna & confusio & contemptus, elegi abjectus esse &c. Vale judicium, vale libertas, vale voluntas propria, propria ex nunc non eritis, quia omnia cū

DEO & propter DEUM, cum omnibus eritis, servivi vobis ego immeritò, servite deinceps DEO ex debito.

Valete domestici, inimici mei, crudeles amatores, blandi hostes, Sangvinei blanditores, propinqui osores: qui non sapitis, quæ DEI sunt, & me sapere nolulistis. Nescio vos imò & odi benè, quia amavi malè. Pater meus & Mater mea dereliquerunt me, Dominus autem suscepit me. Dixi putredini: pater meus es, mater mea & soror mea, vermibus

4tus. *Gratias agendi DEO pro dono Vocationis efficacia.*

Benedicam Dominum in omni tempore, semper laus ejus in ore meo, quia eruit me de portis mortis, quia posuit animam meam ad vitam. Benedic anima meo Domino, & omnia, quæ intra me sunt, Nomini Sancto ejus, Qui redimit de interitu vitam meam, O mi DEUS! quas tibi grates referam, vocâsti me de mundo, de servitute Ægypti, & fecisti me servum tibi.

Gratias ago gratiæ tuæ, magnæ & sanctæ; Benedictus es mi DEUS, qui intuitus es animam meam in profundo abyssi, ut non periret, quia dirupisti vincula mea, quia eruisti animam meam de inferno.

stus *Offerendi se DEO.*

Quid retribuam Domino pro omnibus,
quæ retribuit mihi? Calicem Salutaris
accipiam & nomen Domini invocabo. ó
verè salutaris cálix, grátia vocationis, quã
dedisti mihi DEUS meus, quid dabo tibi
aliud, nisi me ipsum; en me tibi offero,
en dedico, en dono, accipe me mi DEUS,
& tibi habe, nec permittas me separari à
te; tuus sum ego, non derelinquas me, nec
projicias me à facie tua. DEUS meus, quan-
tus, quantus sum, totus tuus sum.

stus *Desiderii & tædii Serviendi DEO.*

Tædet animam meam vitæ meæ DEUS
meus, quia non servit & quousq; mi
DEUS facis me amicum tibi mancipium,
nec auferis me mihi! en ego, en me mi DE-
US, tolle, aufer, accipe, utere, abutere pro
beneplacito tuo. Serviam tibi DEUS me-
us, serviam tibi, at quando? ex hac hora;
quamdiu? in æternum mi DEUS & ultra.

Quousq; differs desiderium meum, quod
perit in me, sancta voluntas tua, ut serviam
Tibi. Ecce volo, ecce cupio, ecce deside-
ro DEUS meus annumera me servis tuis,
adjunge me Sanctis tuis Dominis meis.
Quare ego tamdiu liber à te, & ecce isti
serviunt tibi, currentes viam voluntatum
tuarum, indignus ego servire tibi, at tu di-
gnus, cui serviam ego. 7mus.

ymus *Postulationis gratie ad fervendum & perseverandum in Statu.*

O! ignis qui semper ardes, & nunquam extingveris! o! amor qui semper ferves, nec unquam tepescis, accende me, accendar à te, devorer à te, & fiam sacrificium, fiam holocaustum tibi æternum. Non reprobes me à pueris tuis, sed semper inveniam gratiam in oculis tuis, ut stem jugiter coram te semper in sanctitate & iustitia, omnibus diebus vitæ suæ.

O DEUS! peream, si aliquando deserturus sum, oblivioni detur dextrera mea, & omnis vita atq; substantia mea, priusquam recedere abs te inclinetur anima mea.

Amor æterne amem te in æternum, qui amas me ab æterno, & in æternum.

Hic status in quo posuisti me **DEUS** meus, status meus sit, mansio mea, requies mea sit. Hæc requies mea in æternum, quoniam elegi eam.

SVUS *Salutationis statûs, Sanctorum, ordinis, Vestium, Domesticorum, officiorum, Occupationum.*

O Salve tandem deliderabilis vita, salve status sacratissime, aula salutis meæ, principium beatitudinis, pignus gratiæ, vena Bonorum **DEI**.

Salvete omnes Sancti Societatis Sanctæ
facite

facite me similem vobis, & annumerate me inter vos, ut vobiscum unà merear servire DEO meo & vestro JESU Christo, cui gloria perennis. Amen.

Salve sanctissime Societatis hujus Patriarcha Ignati, salvere omnes Sancti Socii, accipe me indignissimum inter vos, & Sancta vestra benedictione manere inter vos facite, atq; ab insidiis malignis protegente, & gratiam sanctè hic perseverandi impetrate.

gnus Refugii ad B. V. M. in hoc Statu.

O! Virgo Mater Divina, Regina, Hæres mea tibi me, totumq; hunc statum meum dedico, & consecro, te hujus vitæ meæ Patronam Protectricemq; eligo. Ecce hic omnia plena sunt servis tuis, tu ergò fac me etiam quasi unum ex illis. Mater Religiosorum fac me Religiosis accenseri, & gere curam hujus statûs mei, quæ gestisti semper curam animæ meæ. Currat per te in gloriam DEI omnis cursus vitæ meæ. Orna omnia mea meritis tuis, juva subsidio tuis, confirma dexterâ tuâ, emenda Sanctitate tua.

His atq; similibus affectibus indulgere poterit omnis ille, quicumq; ultimum sæculo valedicens, manus dare apparat Religioni.

(✠)(✠) 28 (✠)(✠)
CAPUT XIV.

Varie Considerationes.

Hoc ipsum, de quo loquimur ultimò de sæculo emigrandi, mundumque exuendi negotium, considerationibus non paucis illustrius & ab affectibus Sanctis prægnantius effici potest, fit iterum.

Consideratio *ima*. Cogita te esse unum ex filiis prodigis, quos jam ad te reversos Pater corruens super collum osculatur, eisque stolam primam, annulum, calceamenta afferri, insuper & vitulum saginatum mactari, præparariq; convivium jubet; quantumlibet invidet fratres natu majores, & foris in sæculo remanentes indignetur. Verè enim si modò attendis, id ipsum tibi fit, non tantum spiritualiter, sed etiam ad ipsam literam. O quomodò non amplexaberis tam bonum Patrem? quomodo ab illo iterum recedere, substantiam dissipare, luxuriosè vivendo sustinebis? o mi DEUS! satis erat me esse sicut unum de mercenariis tuis, Tu autem nihilominus de filiis unum esse omnino jubes? quid faciam huic Bonitati tuæ?

ada. Considera te ex alto lapsum præcipitem in frustra discerptum casu, vel jam vorricibus aquæ marinæ haustum, vel in-

ter

ter mediâs sylvas à latronibus deprehen-
sum, fauciumq; ac tantum non enecatam
subitò tantis periculis subtractum, reddi-
tum incolumitati in tuto iterum positum,
per omnia ditatum, ecce hoc ita tibi factum
esse re ipsa advertes, si voles. O qua gra-
titudine servies Servatori tuo in hac Domo
securitatis, portu quietis, pascua loco de-
clinatum sede, Societate JESU?

3tia. Considera ex una parte diabolum
cum suo mundo, carne, vanitate, voluptate,
honore, opibus; ex altera parte Christum
aversum ab illis, ad te convertum in Cruce
satiatum dolore, despectu per omnia sum-
mo, invitanti te ad se, & suum convictum,
ad suamq; Societatem amplectendam spre-
tis illis, quæcunq; sunt adjuncta diabolo, a-
mica mundo, grata Carni, & nunquid non
eliges improprium Christi magis quam om-
nes Ægypti opes? nonne volabis ad ve-
xilla Christi, & amplexus arctissimè Cru-
cem ejus, dices.

• Ille est DEUS meus, & exaltabo eum, &
serviam ei, amplector, & osculor, & strin-
go Crucem ejus, desero omnes honores &
existimationes. Desero omnes voluptates
carnis, & sensuum delectationes, desero li-
bertatem, & propensionem omnem. Eligo
austera, & afflictam, contemptam, & de-
spe-

spectam, servilem & mancipalem jumenta-
lemq; vitam super omnia mundi bona, &
commoda, quæ omnia Tibi DEUS meus,
JESU Christe confixe offero, resigno, im-
molo cum omni spe, re, & possibilitate, &
capacitate; & offero tibi illo affectu, vel sal-
tem in unitate illius affectûs, quo tu mi JE-
SU eadem omnia in honorem Patris spre-
visti, quo eadem omnia sprevit Sanctissima
Mater tua, quo spreverunt eadem omnia
omnes Sancti tuam Angeli quàm homi-
nes; quos omnes actus, in actum cordis
mei, quatenus possum colligens, me tibi
in hoc statu, quem spontè eligo & accepto,
tota latitudine capacitatis meæ; cum omni-
bus hisce actibus immolo & consecro, &
in holocaustum æternum absumo, ad quàm
purissimam maximamque gloriam tuam.

4ta Considera te esse aut fieri manci-
pium vel jumentum DEI, & propter DE-
UM, omnis creaturæ, quod meritò dicere
possis Deo illud: ut jumentum factus sum
apud te, & ego semper tecum: verè servus
& verè jumentum Christi fit, quisquis Reli-
giosus sit. Nihil sibi laborat, nihil acquirit,
nihil facit, nihil accipit jumentum: non
secum velle habet, non suum posse; quan-
tumcunq; est, alienum, & alieni arbitrii est.
Talis esse debes ex hac hora, quâ Religio-

fus esse incipis. Nontu, non anima, non intellectus, non voluntas, non iudicium, non libertas, non honor, non scientia, non pax, non experientia, non fama, non oculus, non auris, non lingua, tua sunt. Sed aliena omnia, DEI omnia, omnium propter DEUM, omnia omnibus tuis, & toto te omnia possint non tantum uti sed etiam abuti te; & nunquid non sapit tibi, quod talem te DEO, & propter DEUM fieri, sapiat gustui Divino, & sit gustabile futurum in æternum ab æterno.

sta. Considera te ovem erroneam, certam luporum prædam; invenit te Pastor, descendens de montibus, assumpsit in humeros, intulit ecce in caulas suas, non sequeris libens Pastorem istum? o ovis! quantum & quoties errasti. & quanto labore, sudore dolore, sanguine quæsitæ es?

6ta. Considera te esse arbusculam de sylvis, atq; dumetis sæcularis vitæ, in hortum Domini, paradisumq; voluptatis spiritualis transportatam, transplatatamq; esse. Jam ergo non debes esse sylvestris, jam non sterilis, jam non crudos & acerbos ferre fructus, nullis hominum, sed tantum porcorum immundorum usibus servituros, alioqui securim & cibanum expectare debes, excidium, incendiumq; subitura.

7^{ma}. Considera te tanquam Petrum Jacobum, Joannemvè cum Christo montem Thabor sanctæ Religionis conscendere. Transfiguratur coram te, imo in te Christus; vestimenta tua fiant alba sicut nix puritate conscientiæ, resplendeat facies rectæ intentionis, per studium uni DEO placendi, loquatur tibi Moyses legem, quam serves. Elias ignem, quo ferveas, ad excessum usq̃ naturæ, ad complementum autem ejus, ad quam vocatus es gratiæ. Dic cum Petro: Bonum est nos hic esse, fac tria tabernacula Christo, Moyfi & Eliæ.

8^{va}. Considera te veluti Adamum à DEO ex terra communi in Paradiso voluptatis positum, ut opereris illam. Habes præceptū non tangendi de ligno scientiæ boni & mali, hoc est de non vivendo juxta tuum arbitrium & sensum, sed juxta voluntatem Dei, & vicariorum ejus. Vide igitur: ut neq̃ serpenti, neq̃ Ævæ tuæ consentias, in prævaricatione voluntatis DEI, nam morte morieris.

9^{na}. Considera te in hoc ingressu Religionis, tum per mutationem statûs, tum per abrenuntiationem sæculi, tum per universalitatem pænitentiae, tum per plenitudinem indulgentiæ, veluti nunc primùm baptizatum, atq̃ vestimento candido primæ-

væ gratiæ indutum, custodi ergo vestimentum hoc nuptiale, & defer usq; ad nuptias Agni, non maculans, non lacerans, non exuens illud &c.

C A P U T XV.

Proditurus ex prima Probatione ad secundam, quid sperare, & quid sibi promittere debeat?

ET si ex prædictis omnibus satis colligere posset, quicumq; ad secundam probationem prodire gestit, ea omnia quæ in secunda probatione ipsi eventura sint, quæcunq; ille in ea sperare debeat; ut tamen hac etiam in re, nihil desiderare possint, utq; eorum tener & imbecillis Spiritus juvari atq; manuduci possit, aliqua breviter attingere proderit. Sic enim fiet, ut etiam eo, quo par est imbuti Spiritu, ad secundam Probationem veniant, illamq; aggre-
diantur.

Itaq; 1. Hoc primum sibi promittant oportet, quod necessario instruendi sint, ac formandi in multis rebus in secunda probatione ad quam prodibant. Formandos autem se sciant non tantum in iis rebus, quas nesciant, sed etiam in iis, quas sibi scire videntur, & in iis moribus suis, in quibus se viciosos esse nunc non advertunt, neq; credunt. Quod idcirco illos scire, sibiq; pro-

mittere expedit, ut in hoc ipso initio animent se, & ad hanc informationem resolvant, nè illis postmodum molesta evadat. Revera enim ita expedit fieri, cum sine dubio alii sint mores agendiq; modi, qui decent sæcularem, & alii qui Religiosum statum, cujusmodi mores nec deponuntur cum sæculari, nec induuntur cum Religioso vestitu, sed paulatim, & mores, & quibus in sæculo insuevimus, dediscendi, & Religiosi quibus non aduevimus, usu discendi erunt.

2. Ad quod Caput juvabit hoc quod sequitur secundum; nempe ut iidem Tyrones sibi promittant, non rarò se daturos occasionem atq; causam admonitionibus, quia enim in initiis non statim discere poterunt modos agendi Religiosos, fiet ut sæpè usurpent sæculares, in quibus eos monitionibus corrigi oportebit; proinde ad audiendas monitiones jam nunc ut se resolvant, oportet. Neq; verò se resolvant ad eas excipiendas & audiendas, sed etiam ipsi ultro eas desiderare, & audire libenter proponant secum, in animo, ut iis qui illorum curam peculiarem in hisce initiis habituri sunt, det fiduciam liberè ipsos commonendi & informandi.

3. Ad quod adhuc ulterius oportet ut
sciant

sciant defectus suos, quos ipsi quandoq; emittent à superioribus cognoscendos quandoq; ab iisdem monendos, quod non tantum molestè ferre non debent, sed potius ut ita iis eveniat, desiderabunt; hoc enim ad ipsorum celerem in omni virtute progressum est summè utile atq; necessarium. Nulla namq; est via facilior ad emendationem morum nostrorum, quàm si à Superioribus omnia nostra dicta, facta, cogitataq; cognoscantur, & disjudicentur, atq; ordinentur vel emendentur, quod ut fieri possit, narrari ea necesse est Superioribus nostris tam à nobis ipsis, quàm etiam ab aliis, qui ea cognoverint, & emendatione digna esse judicaverint. Itaq; prodeuntem ex prima Probatione ad secundam, cum ea resolutione prodire oportet, ut statuat secum curare semper ut Superiori ac Patri suo Spirituali omnia dicta, facta, cogitata, semper & per se ipsum, & per alios innotescant, sive illa bona sint, sive mala. Hac enim resolutione si quis caruerit, hoc est si oculus esse voluerit, & defectus suos ignorari cupiverit, obnoxius erit multistristitiis, tentationibus, murmurationibus, suspitionibusq; ægerrimè vel certè nunquam emendabitur, sed scatebit defectibus aliisq; miseriis succumbet.

4to. Ad quod proderit cognitum habere hoc dictamen quod sequitur: nempe se hominem esse, errare posse, neq; absurdum esse ullum, quod ipse erraverit, vel peccaverit aliquando, & cum culpæ debeatur pæna, errori correctio, atq; etiam consilio, nihil sibi injuriosum & grave eventurum, si peccaverit & peccasse cognitus fuerit, item quæ si pro delicto punitus & in errato monitus, correctus, confususq; fuerit. Homo enim sum, homini à me nihil alienum puto, nec debeo esse talis, qui peccare velim, puniri vel emendari non velim.

5. Et omnes Personas, & omnes regulas, consuetudines Religionis, magni æstimet, observet, honoret, revereatur, judicans & agnoscens se indignum consortio omnium, neq; deponat unquam habere affectum reverentiæ erga omnes.

6. Recordetur semper se optasse & quæsisse, postulasseq; Religionem disciplinam, & in qua, disciplina, observantia, Spiritusq; fervor, ac rigor vigeret. Quare si talem experiri cæperit, non molestè ferat, neq; animo concidat, nec tristis ac pusillanimis sit, potiùs gaudeat se compotem factum voti; invenisse quod quæsit, habere quod optavit, quodq; objectione totius mundi sibi emendum & comparandum minimè dubitavit.

7. Compendium totius vitæ Religiosæ, hoc esse sciat, idq; sibi medullitus persvadeat: Bona agere semper, mala autem pati etiam pro bonis factis. Item: ea omnia exequi, quæcunq; ab aliquo etiam minimo Superiore injunguntur, perpeti autem omnia ac sustinere modestè, quæcunq; evenerint, molesta. Item: ex vita Religiosa nullum solatium expectare aut sperare præter crucem Christi, pacem animi, & consecutionem cœlestis Regni.

Ad hoc propositum faciunt ea, quæ sunt apud Cassianum l. 4. de Instit: Renunt: à cap: 32. usq; ad libri finem, ubi referuntur monita S. P. Abbatis, ad quendam Tyronem quem Monasterio respiciebat.

C A P U T XVI.

Quod Beneficium referat Tyro in ipso Religionis ingressu?

FUÈ hoc Argumentum tractat P. Hieronymus, Platus l. 1. de bono statûs Religiosi c. 13. summa rei est: Tyronem in ipso Religionis ingressu, inq; habitûs Sacri assumptione, præmissis iis, quæ hominem gratiæ sanctificanti idoneum faciunt, plenariam omnium peccatorum indulgentiam tam quo ad culpam, quàm etiam pænæ reatum à Divina Misericordia consequi.

efficiq; in oculis Divinis ita mundum, ita
gratum, ita ornatum, ac si nunc primum
baptizatus esset. Quinimò, si loquamur de
Baptismi in infantia suscepti ab aliquo, per-
cepta gratia, ea potest ac solet longè mi-
nor esse, quàm illa est, quæ confertur or-
dinariè ingredientibus Religionem, hi enim
dispositione propriâ, tantùm acquirunt
sanctificantis gratiæ, quantum volunt, hoc
est quantum voluntaria dispositione acqui-
rere merentur; Ordinariè verò in tali pas-
su excellenter disponuntur, propter primi-
geniam vocationis gratiam, cui fervor esse
magnus adjunctus solet; quo fit ut tali in
occasione valde dispositæ animæ invenian-
tur ad gratiam, consequenter ergo insignem
recipiunt, qualem recipere ut plurimum
Infantes ob incapacitatem propriæ dispo-
sitionis non possunt. Quare penè certum
est, ut plurimum majorem, abundantio-
remq; gratiam infundi ingredientibus Re-
ligionem, quàm suscipientibus in Infàntia
baptismum, Quod confirmari, illustrariq;
potest ex eo, quia in ingressu Religionis
ingrediens exercet, exhibetq; Deo eos fer-
mè omnes (: plurimos certe :) actus, qui-
bus Sacra Scriptura attribuit vel remissio-
nem peccatorum, vel gratiæ Divinæ insi-
gne incrementum v.g. de Eleemosyna di-
citur

citur, quod sicut aqua ignem, ita extingvat peccatum. De pœnitentia asseritur idem; de Charitate, ac dilectione Dei, de offensarum condonatione, de Sacrificio in honorem Dei oblato, deq; aliis similibus. Atq; hi omnes actus & quidem excellentiori modo, cumq; insigni additamento reperiantur in ingressu & ingrediente Religionem, ut patet discurrenti per singula enumerata. Ingrediens enim Religionem, non partem tantum dat propter Deum, sed deserit omnia, etiam seipsum propter Deum & Deo. Init etiam pœnitentiæ statum, & quidem pro tota vita sua eam exerciturus ferè omni momento. Consecrat vitam suam omnem, actusq; vitæ suæ omnes charitati & gloriæ & voluntati beneplacitoq; Dei. Cum toto mundo redit in gratiam, qui eum vivendi, statum suscipit, in quo injuriam reputabit ut gratiam, contemptum ut honorem accipiet, imo injuriam & injuriantem præferet in amore honori & honoranti se, vincet in bono malum, & lucrum reputabit omne damnum. Christi Crucem etiam amplectitur, atq; conscendit, eiq; se affigit clavis trium votorum, ac in ea se sacrificium & holocaustum Deo facit. Fit insuper voluntatis Dei omnis Mancipium, non ejus solū quæ à Deo ipsi proponitur, sed etiam ejus

quæ illi per quemcunq; locum tenentem in-
timatur. Exiit se omni jure ad se, & ad sua
quælibet bona; deniq; moritur morte civili,
moritur quotidie, martyrioq; lento confi-
citur. Hæc similiaq; plura, quibus primus
ingressus Religionis redundat, inferunt re-
missionem peccatorum, & simul insignem
gratiæ sanctificantis infusionem. Ut optima
ratione affirmat D. Thomas 2. 2 q. ultima,
art: 3 ad 3. In Religionis ingressu non gra-
tis remitti peccata (: ut fit in baptismo, quin
etiam in pænitentia :) sed ita, ut verissima
& maxima pro iis offeratur satisfactio. Cum
enim voluntas hominis sit homini ipsi o-
mnibus mundi bonis major & pretiosior,
eamq; solam Deus in homine æstimat, ab
illoq; requirit, hæc verò ab ingrediente Re-
ligionem, in ingressu Deo donetur, & in
ejus servitium redigatur atq; permodum ho-
locausti sacrificetur, necesse est ut fateamur
maximam Deo reddi satisfactionem pro
peccatis ab ingrediente Religionem per i-
psam ingressum. Maximum quoq; pignus
afferri Deo, & quo ab homine majus neq;
exigi, neq; dari possit. Igitur efficitur ut
maxima, eaq; non purè gratuita, sed quasi
ex Justitia debita (: non exclusis Christi me-
ritis, gratiæq; auxiliis :) peccatorum tam
quo ad culpæ, quàm etiam pænæ reatûs
indul-

indulgentia, sanctificantisq; gratiæ abundantia ingredienti tribuatur. Quæ res sicut merito maximam consolationem inferre debet, animis ingredientium Religionem, ita quoq; maximam ingenerare sollicitudinem pro ejus gratiæ, veniæq; tam copiosæ conservatione, ut scilicet dent operam, ne unquam in sequenti religiosa vitâ, crimen gratiæ suæ hoc est religiosæ Innocentiæ inferant, eam amittendo per mortalem noxâ sed potius eam adaugendo per quotidianam penitentiam, & per charitatis Martyrium perq; assiduum conatum.

Et hæc tum de hoc argumento, tum de prima Societatis Probatione pertractata esse sufficiat.

Ad Májorem
D E I
Gloriam.



[COM-]

COMPENDIUM
Tractatûs ejusdem de Prima
Probatione.

Ex XVI. Capitibus.

ad XVI. Quæsitâ.

REDUCTUM.

De Prima Probatione.

*Q*ueritur: 1mò. *Ad quid hæc Instructio? & Tractatus?*

R. Ad illuminandos eos, qui ad Tyrocinium admittuntur ut scilicet illuminati videant quid in 1ma probatione, & quomodò acturi sunt ad mentem Societatis.

Q 2dò. *Quotuplex in Societate Probatio, & quare non una?*

R. Triplex: 1ma, 2da, & 3tia probatio, ideò, quia Institutum Societatis, cùm sit sublime, & arduum videatur ex sollicita cura non tantùm propriæ Salutis & Perfectionis, sed etiam Proximorum, hinc non nisi benè & diu probatis Viris indiget.

Q. 3tid. *Quid prima Probatio? & quæ causa illius?*

R. 1ma. Probatio sic dicta, quia primò & quasi rudi Minervâ Tyro probat Religio-

nem, & à Religione probatur, nam & ille multa quæ Domi penitiora sunt, ignorat, & in ipso pleraq; Religio aut nescit, aut dissimulat, sed nunc primum explorat & si jam ita illum admittat, ut etiam horam adventus ejus computet per ordinem ad vota facienda. Causa verò hæc: tum quia Religio, quos admittit, probat, tum quia & Religio explorare debet quem & qualem, an scilicet non impeditum, an aptum, an non ita talentatum, quemadmodum officia Societatis exigunt, intromittat? & vicissim Tyro explorare debet in primo intuitu ac planè videre, ac intimè scrutari Religionem, an in illa non sint majora humeris & graviora viribus suis onera, & munera? an sint quæ arrideant & placeant pro tota vita? an verò quæ displiceant? ut vel illa arripiat, vel maturè sine mora in vestibulis adhuc sæcularibus evitet, & deferat. Et ideo Societas Tyrones suos vult *1mo* in vestitu sæculari primam Probationem peragere. *2do* Arcet illos à consortio Domestico. *3to*. Communicat omnia [: ut dicitur:] necessaria maturè providenda. *4to*. Præscribit distributionem temporis, & occupationum omnium exactè servandam. *5to* Ut sub obedientia Superioris vivant, & inconsulto illò ne pedem sive intra, sive extra Domum moveant.

Q. 4to.

Q. 4to. Vi primæ Probationis quid exigitur à Tyrone Societatis, & Cur?

R. Lectio Examinis de aptitudine ad Societatem. 2do. Lectio Regularum. 3to. Lectio Bullarum Apostolicarum, quibus Societas confirmatur, approbatur, laudatur. 4to. Exhibitio speciminis de sua doctrina ac talentis. 5to. Collectio triduanæ. 6to. Confessio generalis ex tota vita. 7mo. Manifestatio conscientię proprię. 8vo. Habitûs sæcularis in Religiosum commutatio. 9no. Communio Sacramentalis. 1o. Ad consortium domesticum admissio. Ratio cur hæc exiguntur est: tum exploratio mutua supra dicta, tum ut in hac solitudine & tædium vitetur, & aliqua rudimenta, inchoamenta & quasi prima lineamenta vitæ Religiosæ ponantur ab illis in virtutibus, quæ in illis etiam tunc desiderantur, quales sunt modestia, silentium; reverentia omnium, mundities, & verecundia in incessu, vestitu, aspectu &c. amor orationis & conjunctionis cum DEO, amor solitudinis, studium Lectionis, injuncta hilaritas vultûs, tractabilitas & confidentia cum his quorum curæ committuntur. Vitia verò fugienda in prima Probatione hæc ferè sunt: curiositas, libertas quodlibet audiendi, videndi, indagandi &c. quæ dictis immediatè Virtutibus opponuntur. Q. 5,

Q. 5to. Cur in prima Probatione Examen legendum proponitur?

R. Ut ex illo discat clarè Tyro, videat quæ sunt impedimenta ad Societatem, quis item finis, quæ essentia, quæ differentia ab aliis Religionibus, & quæ onera, an apta ejus viribus?

Q. 6to. Cur Regula legendæ apponuntur?

R. Ut Tyro inspiciat ad quod obligatur, & perpendat an possit regulatam vitam deducere, nec non, ut discat maturè, quod non ex cōsuetudine nec casu, neq̃ exemplis sed Regulis vita in Societate sit dirigenda. Hinc non vitæ PP. sed Regulæ legendæ illi primò dantur. Bullæ verò Pontificum legendæ proponuntur, imo ut Tyro illis tanquam in nucleo contentum Institutum Societatis facilius percipiat. 2do. ut videns à S. Sede confirmatam & approbatam Societatem, tantò securiùs ineat. 3tio. ut lustrans Elogia & privilegia à S. Sede Societati concessa, tantò libentiùs illam amplectatur & teneriùs diligat, ac tentationibus Dæmonis tantò securiùs resistat. 4to. ut discat post biennium Novitiatûs per vota simplicia verum se Religiosum futurum. 5to. ut discat post vota non licere sibi sub pœna Apostasiæ propria authoritate à Societate discedere.

Q. 7mo.

Q. 7mo. Cur specimen dandum, & quare in prima Probatione!

R. Quia cum Societas doctos plerumq; viros requirat, debet explorare, an saltem spem futuræ aptitudinis ad scientias habeat tales, quales Religio exigit. Porro specimen hoc ita facile sit & sine omni rigidiori Examine, ut Tyro neq; colligat, quomodo, & quando hoc specimen ab illo accipitur. Unde etiam patet quàm sit in Societate ingeniosus Tyronum amor, & quàm ab omni etiam minima specie confusionis remotus.

Q. 8vo Ad quid triduana Col'ectio?

R. 1mo. Ut Tyro hac Recollectione fundamentum jaciat vitæ Religiosæ, atq; illis expurgatus, excultusq; tantò dignius Deo & Religioni adhæreat. *2do.* Ut ad confessionem Generalem tantò exactius & diligentius se præparet, quantò perspicaciùs cognoscet animam suam peccatis sæcularibus lauciatam. *3tio.* ut saltem rudem meditandi praxim contrahat, tanquàm sæpiùs demùm meditaturus. *4to.* ut cognito per exercitia misero animæ statu, & mille à mundo, carne, Dæmone periculis, alacriùs ad vexillum crucis evolet. *5to.* Ut in Collectionibus videat quomodò Dictamina Regularum Societatis cum Dictaminibus Evan-

Evangelicis & Spiritus Sancti concordent?

*Q. 9^{no} Cur Generalis Confessio in una Pro-
batione injungitur?*

R. quia Religio est status Pœnitentiæ; ergo hunc amplexurus ut integrè in ser-
vum & adoptivum Filium DEI evadat, om-
nem in sæculo offensam infinitæ Boni-
tatis Divinæ retractare, detestari, tenetur.
2do. Ingressus in Religionem est alter Ba-
ptismus. Ergo ut deleat omnia antea acta pec-
cata & crimina, requirit debitam ad id di-
spositionem, qualis optima est per Confes-
sionem generalem *3tio.* Quia Societas desi-
derat ut omnes Filii ejus plenè, & integrè
DEO reconcilientur, quod constare So-
cietati nequit. nisi fiat Confessio generalis.
4to. Quia decet ut exuens externè, etiam in-
ternè exuat veterem hominem, & totus in
novitate vitæ ambulet, quod absq; Confes-
sione difficulter nonnisi fieri poterit. Hinc
decet ut Tyro Societatis primò se diligen-
ter paret, non ab ultima tunc, neq; dimi-
diatam, sed integram totius vitæ exomo-
logesim faciat. *2do* Ut accuratè Conscien-
tiam examinet, nullisq; amplius scrupulis
locum relinquat, ita ut valeat audacter
demum dicere, quod nihil omiserit. *3tio.* Ut
pulso procul omni pudore & metu, sincerè,
animosè, confidenter cum Confessario

D

agat,

agat, tanquàm cum DEO. 4to. Ut antè, in, & post Confessionem, accuratissimè doleat, compungatur, detestetur omnia peccata, proponat emendationem, & confiteatur ex puro & solo amore DEI, ita, ut à Confessione surgat alius homo, quasi renatus DEO, & mortuus mundo, carni, Diabolo, plenus fiduciæ de venia, plenus propositi de novitate usq; ad mortem continuanda, plenus odii in peccata, & in se qui peccavit, spei plenus, amoris Dei, desiderii vindicandæ in se per omne genus mortificationis, lætæ per peccata sua infinitæ Bonitatis & Majestatis Divinæ.

Q. 10. Cur Ratio seu manifestatio Conscientiæ reddenda in una Probatione?

R. Ut Tyro Patri Spirituali sit notus intimè non ignotus. 2dò. Ut tantò melius in Spiritu dirigatur, & à malis præservetur, & in bono roboretur.

Q. 11. Cui Lectio Spiritualis injungatur?

R. Ut ex hac Lectione Tyro discat mūdum contemnere, & Institutum Religiosum æstimare, Vocationem amare. 2dò. Ut Deum ordinariè sub tempus Lectionis Spiritualis ad cor loquentem auscultet, & evolvendo pios libellos tempus fallat, ne tædium pariat.

Q. 12. Quibus modis in hac solitudine fovendus

Ans Spiritus, & preparandus animus ad sacram Investituram?

R. Modus est *1mus* indulgere variis affectibus seu actibus, & aspirationibus Sanctis eliciendis ex circumstantia peccatorum, & habituum Sæcularium. *2do*. Vanitatum in divitiis, honoribus, voluptatibus, fitarum. *3to*. Carnis & sensuum. *4to*. Personarum desertarum. *5to*. Occupationum & studiorum in hac solitudine. *6to*. Dei Christi, Beatissimæ, Sanctorum. *7mo*. Religionis cum omnibus Regulis, Privilegiis, talentis, & officiis suis spectatæ.

Modus *2dus* est: occupare Cor, mentem variis Considerationibus & imaginationibus ad contemptum mundi, & æstimationem Religionis, & amorem Dei ducentibus.

Q. 13. & 14. Quæ praxis potest esse dictorum Actuum? & quis modus Considerationum Sanctorum? vide Cap: 13. & 14.

Q. 15. Proditurus ex 1ma Probatione, quid sibi promittere debeat? R. Quod necessario instruendus & formandus sit in multis, ut dediscat sensim mores, & modum agendi sæcularem, & addiscat, & imbibat Religiosum. *2do*. Quod sæpius monendus erit, & corrigendus ab Instructore, & Officialistis, & Superioribus, quæ monita ut suscipiat gratè oportet, jam illum ad hæc resolutum esse,

ut quando placuerit in erratis, moneatur corrigatur.
3tio. Quod defectus sui & errata necessaria, eaq; ac
majora manifestabantur superioribus ad maiorem
in Spiritu profectum & directionem. Quare tempe-
stivè etiam ad id resolute animò opus erit, ne alias
charitativæ delationes & moniti, odium & nauseam
pariant Vocationi Religiosæ. Ad quod proderit hoc
d. & tamen sæpè revolvè. imò. si e rare, deficere, &
gravius labi possum, cur ergo instui, moneri, de-
ferri, puniri & emendari non amabo.

*Q. 16. Quod Beneficium in una vestis Reli-
giose assumptione reportabit?*

R. Multiplex imò. Plenariam per modum Ju-
bilæi Indulgentiam, tam quò ad culpæ, quàm quò
ad poenæ reatum. 2do. Gratiam Sanctificantem cum
omnibus Supernaturalibus donis, & ornamentis ha-
bitalibus, cum longè majori augmento, quàm In-
fantes & adulti sæculares per Baptismum renati à
DEO accipiunt. 3tio. Reportabit jus centuplum ad-
huc in vitâ accipiendam, & vitam æternam speciali
titulo sublimiorem, nobilio rem accipiendam. 4to.
Reportabit Privilegium ad esse specialiter servi, Mi-
litis, Martyris, Amici, Socii, Filii, & Sponsi DEI
& Christi, consequenter Cæli Hæredis, quæ omnia
Tyroni Religioso in totam vitam & animum adde-
re debent ad omnia ardua cum gaudio superanda,
& ingenerare continuum debent omnis noxæ & ma-
culæ timorem, pariter atq; vocationis Religiosæ a-
morem ferventissimum cum summo & ardenti-
mo semper proficiendi desiderio. Fiat. Fiat.

F I N I S.



72
 73
 74
 75
 76
 77
 78
 79
 80
 81
 82
 83
 84
 85
 86
 87
 88
 89
 90
 91
 92
 93
 94
 95
 96
 97
 98
 99
 100

Pyt: Na coż jest pojęziony Sakrament Cięła y Krewie Pańskiego?

72
 73
 74
 75
 76
 77
 78
 79
 80
 81
 82
 83
 84
 85
 86
 87
 88
 89
 90
 91
 92
 93
 94
 95
 96
 97
 98
 99
 100

Pyt: Na coż jest pojęziony Sakrament Cięła y Krewie Pańskiego?

72
 73
 74
 75
 76
 77
 78
 79
 80
 81
 82
 83
 84
 85
 86
 87
 88
 89
 90
 91
 92
 93
 94
 95
 96
 97
 98
 99
 100

Pyt: Na coż jest pojęziony Sakrament Cięła y Krewie Pańskiego?

72
 73
 74
 75
 76
 77
 78
 79
 80
 81
 82
 83
 84
 85
 86
 87
 88
 89
 90
 91
 92
 93
 94
 95
 96
 97
 98
 99
 100

Pyt: Na coż jest pojęziony Sakrament Cięła y Krewie Pańskiego?

Teologiczno Moralnych.

Quis potest occidere.

10. Non occisor, si sagittas

Casu in Hominem immittas,

Si non culpabiliter.

11. At non licet duellare,

Vel duellum acceptare,

Excommunicaberis.

12. Loco sacro non jacebis

Et suffragiis carebis

Pro duelli crimine.

A o szustney Woynie tegoż S. To-

Compendium Quaestiy

plexi y słabość przez Doktorow, to jest

Medyków rozumnych przez świadectwa

Medyków rozumnych przez świadectwa

Medyków rozumnych przez świadectwa

Medyków rozumnych przez świadectwa

Medyków rozumnych przez świadectwa

Medyków rozumnych przez świadectwa

Medyków rozumnych przez świadectwa

Medyków rozumnych przez świadectwa

Medyków rozumnych przez świadectwa

Medyków rozumnych przez świadectwa

stdr0022028



Biblioteka Jagiellońska

Wielkonocnego przyloty. Te przykazania

